



Møre og Romsdal
fylkeskommune

AUKRA KOMMUNE
Kommunehuset Nyjordvegen 12
6480 AUKRA

Dykkar ref:	Dykkar dato:	Vår ref:	Vår saksbehandlar:	Vår dato:
201 7/352-	30.10.2018	120365/2018/KOMMUNEPLAN/1547	Anders Smith-Øvland, 71 28 02 41/ Johnny Loen, 71 28 02 43	11.01.2019

Aukra kommune - kommuneplan samfunnsdel 2017-2025 - fråsegn ved offentleg ettersyn

Vi seier oss leie for å ha oversitte fristen for høyring. Dette skuldast av ymse årsaker noko redusert kapasitet, saman med uvanleg stor saksmengd på seinhausten. Møre og Romsdal fylkeskommune har ut frå sine ansvarsområde følgjande merknader. Vi vonar at kommunen rekk vurdere desse før endeleg planvedtak:

Planfaglege merknader

Generelt

Vi har ikkje fått oversendt ferdig vedteke planprogram, og dette er heller ikkje lagt ved planen no. Vi finn heller ikkje dette på kommunens nettsider, noko som kanskje kan skuldast at vi er etter den gitte fristen. Vi må derfor ta utgangspunkt i det utkastet til planprogram som vi hadde til høyring, og den fråsega vi då hadde.

Plandokumentet har ingen referansar til planprogrammet. Ut frå planprogrammet (høyringsutkastet) sin korte og lite konkrete karakter, er det vanskeleg å vurdere om planframlegget svarar ut planprogrammet. Vi registrerer likevel at ein god del av dei punkta vi peikte på i vår høyringsfråsegn er tekne omsyn til.

Plandokumentet er godt strukturert og lett leseleg. Konseptet "Slik vil vi ha det"/"Slik gjer vi det", er noko vi kjenner frå andre kommunar og absolutt kan tilrå. Den delen av dokumentet som skildrar satsingsområda har ein del tekst som er opplysende, men som like gjerne høyrer til avsnitt om rammer for planlegginga om om kunnskapsgrunnlaget. Vi saknar som nemnt ei konkret tilvising til planprogrammet, men også til utfordringsdokumentet som planen viser til. Det må vere mogleg for høyringsinstansane å ta stilling til det konkrete innhaldet og prioriteringane som er gjort der.

Plandokumentet er generelt av nokså visjonær karakter, noko som nødvendigvis må forde aksept for at dei formulerte måla ikkje er svært konkrete. Ulempen er at planen ikkje i vesentleg grad synleggjer nødvendige prioriteringar og heller ikkje synleggjer kven som har ansvar for ulike mål. Ein kan derfor stille spørsmål ved korleis planen vil tene som strategisk styringsgrunnlag. Her burde kommunen vore tydelegare, herunder også med konkrete tilvisingar til korleis planen vil bli følgt opp i underliggende planarbeid, i budsjett og økonomiplanlegging. Nokre konkrete forslag om dette kjem fram nedanfor.

Både i oppstartvarslet og i planframlegget (kap 1.4) vert vist til parallelle prosessar for delar av kommunens ansvarsområde. Men kommunen gir ingen signal om korleis desse prosessane påverkar kvarandre og kva som eventuelt er i vente om delplanane. Vi kan ikkje sjå at dei tre delplanane har vore til offentleg ettersyn hos oss enno.

Til sist peikar vi på at berekraftomgrepet er nytta i samband med økonomiforvaltinga, som eige satsingsområde. Det også eit satsingsområde kring klima- og miljø, og FN's berekraftmål er vist til i innleiingskapitla. Kanskje bør planen derfor også introdusere omgrepet "sosial berekraft", slik at alle dimensjonane i berekraftbegrepet vert oppfatta likverdige og samanhengande.

Utviklingstrekka og utfordringane i Aukra

I plandokumentet er lagt fram demografiske data og data om arbeidspendling på ein lettfatteleg måte. Her saknar vi likevel ei drøfting av korleis kunnskapen påverkar det strategiske handlingsrommet. For annan kunnskap viser ein til utfordringsdokument som ikkje er lagt ved. Kan hende er også nytta kunnskap fra gjeldande planstrategi. Men heller ikkje her er det synleg korleis kunnskapen ligg til grunn for strategiske val. Jamfør ovanfor, blir både prioriteringane og grunnlaget for prioriteringar utydeleg (for høyringsinstansane), og det er vanskeleg å etterprøve og ta stilling.

Vi ønsker å peike særskilt på dette: Samfunnssdelen til Aukra blir revidert i ei tid med store strukturelle endringar. For Aukra kommune omfattar dette ei mindre kommuneutviding mot vest, med øyane Orten og Lyngværet. Den nye samfunnssdelen (og ny arealdel seinare) skal omfatte også desse areala. Eventuelt fastlandssamband over Kjerringssundet vil vesentleg endre korleis Gossen som samfunn er knytt til nabokommunen Midsund (del av nye Molde kommune) og fastlandet, men vil ikkje utgjere nokon arealmesseg endring. Aukra kommune vil også etter endringane halde fram som eigen kommune bestående av både fastland og øyer. Fylkeskommunen tek ikkje stilling til dette. Likevel må det vere legitimt å meine at Regjeringa sine reformvedtak har sett i gang ein dynamikk, som ikkje nødvendigvis vil stoppe 1.1.20, og som gjer at det regionale bildet er i endring. Vi ser at kommunen drøftar dette i kapittel 3.5, men her er sjølvsagt også ein del aspekt som er mindre føreseelege, ikkje minst med tanke på framtidig utvikling av havbaserte næringer.

Samfunnssdelen omtaler Julsundet som eitt lokalsamfunn som langt på veg er i ferd med å vakse saman, men i to ulike kommunar. Identitetsbygging og tiltak for å knyte Julsundet/Jendem saman er nemnt som grep. Vi støttar dette, og rår i tillegg til at ein samarbeider over kommunegrensene om felles løysningar for funksjonsbehova, inkludert bustadbehovet.

Satsingsområde, mål og strategiar

Dette kapitlet utgjer det meste av plandokumentet. Dette er per definisjon dei planmessige konklusjonane som vert lagt fram til diskusjon, og som må vere eit resultat av kunnskapsinnhentinga, prosesstyringa og medverknaden. Det er ikkje utan vidare lett å sjå korleis desse tinga heng saman. Vi har nokre konkrete spørsmål og kommentarar i den samanhengen:

- Kapitlet startar med kommunen sine verdiar. Kvar kjem desse frå? Kva prosess ligg til grunn? Er dei ein del av fastlagt ramme for planen eller er dei ein del av forslaget?
- Det same spørsmålet kan for så vidt stillast om visjonen, men denne er kanskje meir etablert som del av merkevaren "Aukra" og dermed allereie ålment akseptert.
- Det er vist til åtte hovedtema som grunnlag for korleis hovedkapitlet er organisert. Kvar er desse henta? Vi finn dei ikkje i forslaget til planprogram, utover ei kryptisk opplysing om at gjeldande samfunnssdel *"skal fornyast. Tema kan førast vidare, men truleg vil mykje vere aktuelt for endring."*. Som tidlegare nemnt: Korleis er satsingsområda eit resultat av utfordringsbildet?

- Planen opererer med gjennomgående perspektiv. Det er positivt at desse har eigne mål og gjennomføringsstrategiar. Omtalen av dei gjennomgående perspektiv er grei, men har opplysingar som like gjerne kunne høyre til i bakgrunnsopplysingane, rammene for planlegging, og som kanskje også kunne supplerast med konkrete data og kunnskap. Dette gjeld for ein stor del også satsingsområda, som nemnt ovanfor.

Føringane for arealdelen

Under nokre av satsingsområda er gitt føringar for arealdelen. Dette er i samsvar med råd vi ga ved oppstart. Kanskje bør desse føringane også samlast i eit eige sluttkapittel som i større grad tydeleg gjer ein konkret arealstrategi. Vi har også i den samanhengen eit par konkrete råd:

- Forholdet til senterstrukturen er drøfta i kapittel 3.2 Attraktiv kommune, men utan at det er gitt relevante føringar for arealbruk som bygger under dette. Formuleringane som er gitt, gir heller ingen faktiske føringar, men synleggjer ei oppgåve planen må ta fatt i. Skal kommunen vere aktiv i bustadmarknaden ? Er det visse typar behov marknaden ikkje greier å dekke ? Er det likegyldig kvar ein bygger og type bustader som blir ? Kva betyr "variert bustadtilbod i heile kommunen" ?
- Å legge til rette for møteplassar (kap 3.3) er viktig, og fortener meir presise føringar. Kvar skal desse møteplassane vere, og kva kvalitet skal dei ha. I kjølvatnet av dette er det også relevant med føringar om tilkomst, mellom anna trygg skuleveg.
- Turstigar og friområde har fått fokus under kapittel 3.4 om velferd og omsorg, eit breitt satsingsområde. Her er ei føring om tverrfagleg samarbeid. Føringa gjeld prosess og medverknad, og ikkje arealbruk. Også her burde det vere tenleg med ein diskusjon om kvar slike tiltak skal prioriterast, kva kvalitet dei skal ha og kven som har ansvaret.
- Kap 3.5: Vi saknar arealplanføringar om lokalisering av reiselivstilbod
- Under 3.9 om klima og miljø, er det fokus på (mellanom anna) at nye bustadfelt og utbyggingsområde skal lokalisera i tilknytting til eksisterande busetnad, infrastruktur etc. Vi vil støtte dette, men det er ikkje kommunisert som ei føring for arealplanlegginga. Kvar finst den infrastrukturen og bustadområde som ein ønsker å bygg opp under, jamfør spørsmål til 3.2 ? Er det områda utanom Falkhytten og Julsundet som kan tene som grunnlag for klimafokusert lokalisering ?
- Øvrige føringar under 3.9 er som mykje elles, meir prosessuelle føringar enn reine arealbruksføringar. Vi vil rá kommunen til å drøfte dette noko nærmare.

Miljø og klima

Fylkesplanen for klima og energi har mål om at «*Klimagassutsleppa i Møre og Romsdal skal i forhold til utsleppa i 2009, reduserast med meir enn 10 % innan 2020*». Ungdommens fylkesting vedtok i 2014 mål at det «*Innan 2020 skal det vere gjennomført minst fem - 5-konkrete tiltak i kvar kommune i fylket for å betre miljøet og redusere klimagassutslepp*».

I samfunnsdelens kapittel 3.9 blir det vist til både internasjonale og nasjonale klimamål (som eigentleg høyrer til forveningar og føringar). Kommunen kunne med fordel også ha vist til regionale klimamål. Kommunen ønsker å være «*ein aktiv medspelar i dette arbeidet og vere ein pådrivar for at innbyggjarar, næringsdrivande og andre skal gjere miljøvenlege val*». Vidare nemner planen at «*redusert bilbruk kan nåast gjennom planlegging av korte avstandar mellom bustadområde og handels-, sørvis- og tenestetilbod*». I dette ligg blant anna prinsippet om «*Samordning av bustad areal og transport planlegging*» og spørsmålet om korleis kommunen skal organisere samfunnet på ein slik måte at innbyggjarane ikkje

bruker unødvendige ressursar og energi. Statlege planretningsliner gjeld som ramme for dette.

Ein vesentleg del av klimagassutsleppa er knytt til transportsektoren. Endring krev konkrete tiltak. Kommunen bør drøfte meir konkret korleis ein skal kunne redusere dagens transportbehov, til dømes korleis ein fram i tid skal oppnå betre balanse mellom arbeidsplass og busetting for å unngå pendling, og korleis ein lokalt skal organisere funksjonar som bustad, skule, barnehage og handel m.m., for å unngå bruk av bil i kvardagen.

Målet om å redusere transportbehovet må gi så konkrete føringar for framtidig arealbruk at reduksjonen av transportbehovet kan bli reell. Vi rår kommunen i denne samanhengen til å utarbeide konkrete målbare mål og føringar, for vidare oppfølging og etterprøving.

Tettstadutvikling

Møre og Romsdal fylkeskommune jobbar bistår kommunane i fylket i utvikling av komunesentra sine. Fylkesplan for Møre og Romsdal 2017-2020 slår fast at Møre og Romsdal skal ha attraktive byregionar og tettstadar. Slik sett er måla til Aukra kommune i samsvar.

Regional delplan for attraktive byar og tettstadar gir rammer og tilrådingar for sentrstruktur. Aukra kommune fekk tilskot til å gjennomføre eit tettstadarbeid knytt til utvikling av Falkhytten i 2011-2012 gjennom Tettstadprogrammet, som har komunesentra i fylket som fokusområde. Dei seinaste åra har ikkje fylkeskommunen vore involvert i tettstadarbeid på Falkhytten.

Kommunen forventar og ønsker vekst, og har eit uttalt mål om å tilby gode bu- og oppvekstmiljø og gode tenester. Strategiske val knytt til tettstadutvikling vil viktig for å stimulere til nettopp dette. Vi saknar derfor meir tydelege prioriteringar, jamfør også dei planfaglege merknadene. Vi vil utfordre kommunen til å konkretisere kva attraktive bumiljø er eller kan vere i Aukra (basert på kunnskapsgrunnlag om demografisk struktur og utvikling, geografi, transportbehov, miljø- og klima etc. Ein bør i tillegg drøfte korleis ein skal jobbe for å kome dit.

Korleis fastlandsdelen av kommunen forheld seg til Falkhytten og Molde er vesentleg å ta stilling til når ein skal vurdere kva rolle og funksjon komunesenteret skal ha i høve til eigen kommune og til nabokommunane.

Samferdsel

Statens vegvesen uttaler seg som forvaltar av fylkesveg på vegne av fylkeskommunen. Vi viser derfor til statens vegvesens fråsegn, datert 17.12.2018, for merknader knytt til ønske om bruksendring/brukartilpassing av fylkesvegen i Julsundet og til utfordringar knytt til arealbruken rundt fylkesvegen på Gossen.

Folkehelse

Jamfør folkehelselova § 5, skal kommunane ei skriftleg oversikt over helsetilstanden hos innbyggjarane og dei positive og negative faktorane som kan verke inn på denne. Denne oversikta skal inngå som grunnlag for arbeidet med kommunens planstrategi, samt planer og avgjerder i kommunen. Fylkeskommunen er ikkje kjent med at Aukra kommune har laga ei skriftleg oversikt over folkehelsa, og det er heller ikkje synleggjort i oversendinga no. Kommunen manglar derfor et viktig kunnskapsgrunnlag for kommuneplanen.

I kapittel 3.3. blir det vist til kartlegginga «BarneByks» og dei 10 punkta som kommunane bør følge opp. Dette er sjølv sagt positivt. Fylkeskommunen er kjent med at det har vore ein prosess internt i Aukra kommune i samband med kartlegginga, og det er relevant å løfte fram kva område kommunen særleg må arbeide med, sett opp imot tilrådingane i rapporten.

Det er også positivt at Aukra kommune har gjennomført ei borgarundersøking. Planforslaget gir eit kort oversyn over kva denne fortel.

Medverknad er sentralt i plansamanheng. Særleg viktig er det å nå grupper av befolkninga som ein ikkje når gjennom tradisjonelle medverknadsmetodar som til dømes folkemøter. Det hadde vore ønskeleg om også andre metodar for medverknad hadde vore nytta. Samstundes er det positivt at kommunen også framover prioriterer å legge vekt på medverknad, mellom anna frå barn og unge, jf. kapittel 3.3. Vi nemner i den samanheng at fylkeskommunen saman med seks primærkommunar har delteke i det nasjonale prosjektet om "Nærmiljø og lokalsamfunn som fremmar folkehelse" (2015-2018). Her har medverknad vore sentralt i høve å få fram kunnskap om kva innbyggjarane meiner er viktig for å fremme helse og trivsel. Til våren skal det lagast ein erfaringsrapport frå prosjektet i fylket, samt ein nasjonal idébank.

KONKLUSJON

Vi viser til våre merknader i saksutgreiinga og ber om at desse vert vurdert i det vidare planarbeidet fram mot eigengodkjenning.

Med helsing

Johnny Loen
plansamordnar

Anders Smith-Øvland
overarkitekt

Brevet er elektronisk godkjent og vil ikkje bli sendt i papir

Fagsaksbehandlar
Folkehelse: rådgivar Sigri J. Spjelkavik, tlf. 71 28 03 04

Kopi:
Statens vegvesen, Region midt
Kystverket Midt-Norge
Fylkesmannen i Møre og Romsdal



AUKRA KOMMUNE
Kommunehuset Nyjordvegen 12
6480 AUKRA

Aukra kommune Kommuneplanen sin samfunnsdel Fråsregn ved offentleg ettersyn

Fylkesmannen er statens representant i fylket og har m.a. ansvar for å følge opp vedtak, mål og retningslinjer frå Stortinget og regjeringa. I den kommunale planlegginga skal vi sjå til at kommunane tar omsyn til viktige regionale og nasjonale interesser som gjeld arealforvaltning, landbruk, klima og miljø, oppvekst, helse og samfunnstryggleik.

Bakgrunn

Fylkesmannen har mottatt framlegg til kommuneplanens samfunnsdel 2018-2030 til offentleg ettersyn. Aukra kommune varsla oppstart av planarbeidet i 2017 og Fylkesmannen viser til vår høyningsfråsregn av 30.05.2017 i samband med dette. Også tidlegare i samband med høyring av utkast til kommunal planstrategi for perioden 2017 – 2019 har vi kome med innspel og merknader som peikar fram mot det vidare arbeidet med kommuneplanens samfunnsdel.

Planlegging etter plan- og bygningslova (jf. § 1-1) skal fremje berekraftig utvikling til det beste for den einskilde, samfunnet og framtidige generasjonar. Det skal leggast vekt på langsiktige løysingar, og konsekvensar for samfunn og miljø skal gjerast greie for. Kommuneplanen er kommunens viktigaste verktøy for samordna plan- og utviklingsarbeid. Plan- og bygningslova peikar på at kommunen skal ha ein samla kommuneplan som omfattar samfunnsdel og arealdel, jf. PBL § 11).

Rulleringa av kommuneplanen skal erstatte gjeldande samfunnsdel frå 2011. Kommunens arealdel frå 2016 utgjer eit viktig bakteppe for samfunnsdelen. Samstundes vil ny, revidert samfunnsdel legge viktige rammer og føringer for neste runde med rullering av arealdelen.

Kommuneplanarbeidet heng også tett saman med andre planprosessar, styringssystem og rapporteringsverktøy i kommunen. Samfunnsdelen må vere handlingsretta og peike på prioriterte satsingsområde. Handlingsdelen viser korleis planen vidare skal følgjast

opp i løpet av neste fireårsperiode, eller meir, og skal gjennomgå ein årleg revisjon. Økonomiplanen etter kommunelova sin §44 kan inngå i handlingsdelen.

Parallelt med arbeidet med samfunnsdelen har Aukra kommune meldt oppstart av fleire kommunedelplanar knytt til utvalde fag- og tenesteområde. Kommuneplanen skal brukast strategisk som ein oversiktsplan, og skal innehalde alle viktige mål og oppgåver i kommunen. Samfunnsdelen vil i lys av dette gi rammer og føringer for det vidare arbeidet med ulike tema- og kommunedelplanar.

Vi minner elles om at regjeringa vil kome med nye nasjonale forventningar til regional og kommunal planlegging i februar neste år. Dette dannar utgangspunkt for ei ny runde med utarbeiding av regionale og kommunale planstrategiar for perioden 2019 - 2023.

Arbeidet med rullering av kommuneplanens samfunnsdel er ei naturleg vidareføring av revidert planstrategi, som igjen legg føringer for revidert arealdel. Sett i lys av dette bør Aukra kommune arbeide mot ei meir samordna rullering av sine overordna planar.

Fylkesmannen har ut frå sine ansvarsområde følgande merknader:

Planfagleg

Plandokumentet er oversiktleg og godt strukturert, og vil kunne inngå som eit overordna, strategisk styringsverktøy med søkelys på status, utviklingstrekk og utfordringar for kommunen som organisasjon og samfunn. Disposisjonen er bygd opp rundt tre hovuddeler:

Del 1 Bakgrunn gir nærmere omtale av lovgrunnlag og overordna mål, om nasjonale, regionale og lokale rammer og føringer for planarbeidet, samt om organisering med søkelys på prosess og medverknad. Denne delen gjer nærmere greie for intensjonane med planarbeidet, og understrekar betydninga av kommuneplanens samfunnsdel som eit viktig politisk og administrativt styringsverktøy med tette koplinger både til kommunal planstrategi, til kommuneplanens arealdel, til kommunedelplanar i form av tema-, sektor- og områdeplanar, og til handlingsprogram med referanse til budsjett og økonomiplan.

I samband med opplegg for organisering og *medverknad* i planarbeidet understrekar Fylkesmannen behovet og verdien av tilrettelegging av gode og lokalt forankra planprosessar som sikrar aktiv deltaking og medverknad frå ulike brukar- og interessegrupper. Her kan kommunen vere kreativ og nytte metodar som legg opp til brei deltaking frå innbyggjarane, eller frå sentrale grupper ein ønskjer kunnskap og innspel frå. Vi minner særskilt om at barn og unge sine interesser blir ivaretatt, og viser i den samanheng til rettleiaren *Medvirkning i planleggingen* utgitt av Kommunal- og moderniseringsdepartementet i 2014.

Del 2 Utviklingstrekk med kort presentasjon av Aukra kommune med særleg fokus på statistikk knytt til folketalsutvikling og pendling. Denne delen blir litt knapp og kortfatta, og kunne gjerne vore utdjupa med referanse til status, utviklingstrekk og utfordringar knytt til ulike planfaglege tema.

Del 3 Satsingsområde, mål og strategiar omfattar nærmare omtale av gjennomgåande perspektiv og åtte utvalde satsingsområde med mål og strategiar knytt til kvar av desse. For kvart satsingsområde er dette summert opp gjennom overskriftene *Slik vil vi ha det* og *Slik gjer vi det*. Vidare presisering og prioritering gjennom handlingsprogrammet blir her viktig. Føringar for arbeid med arealdelen blir nemnd for nokre av satsingsområda, men vil i prinsippet kunne vere aktuelt for alle. I kva grad ny, revidert samfunnsdel skal gi grunnlag for ny runde med rullering av kommuneplanens arealdel kjem ikkje tydeleg fram.

Samla sett synest arbeidet med kommuneplanens samfunnsdel å vere godt forankra i ulike typar grunnlagsdokument i form av statistikk, utfyllande kartleggingar og utgreiingar m.v. Nærare referansar til desse vil kunne gi viktig supplerande informasjon til plandokumentet.

Avslutningsvis i plandokumentet kan det vere rom for ei oppsummering med søkelys på aktuelle problemstillingar og eit meir samla utfordringsbilde knytt til ulike fag- og tenesteområde. Prioriterte satsingsområde med mål og strategiar vil her vere eit viktig utgangspunkt for vidare arbeid med handlingsprogram og økonomiplan, tema- og fagplanar i form av kommunedelplanar, samt ny runde med rullering av kommuneplanens arealdel.

Oppgåver og utfordringar knytt til tverrsektoriell samordning og samhandling både intern i kommunen og eksternt mot andre samarbeidspartar kan drøftast nærmare. Omstillings- og utviklingsarbeid i lys av m.a. kommune- og regionreformarbeidet vil her utgjere eit viktig bakteppe.

Natur og miljøvern

Miljø- og klimaspørsmål er globale utfordringar, men som krev lokal oppfølging for å bli omsett i resultat. Berekraftig utvikling har eit langsiktig perspektiv, der hovudmålet er å sikre behova til dagens generasjonar, utan at framtidige generasjonar dermed blir sett i fare. Det inneber langsiktige, gode val for å ivareta dei verdiar som ligg i jordbruksareal, biologisk mangfald, vassdrag, kulturlandskap, fortidsminne og kulturarv.

Kommunen har lagt stor vekt på klima i punkt 9.3 Klima og miljø. Det er bra med tydelege mål og føringar for korleis kommunen skal møte klimautfordringane.

I tillegg bør ein kunne klargjere nærmare kva naturverdiar ein har i kommunen, og vurdere kor vidt det er naudsynt å lage eigne mål og retningsliner for korleis desse skal takast vare på. I tillegg krev kamp mot framande artar bevisst handling, og samfunnsdelen kan sette mål og prioriteringar for arbeidet.

Barn og unge

Aukra kommunen har tatt høgde for å ta inn fylkeskommunen sine gjennomgåande perspektiv, deriblant barn og unge. Pkt. 3.3 gir ein utfyllande refleksjon om utviklinga i kommunen for dei under 18 år, og det vert vist til fleire undersøkingar. Kommunen har valt fem område «slik vil vi ha det» for å komme utfordringane i møte. Dette er slik vi ser det eit

klokt grep å legge vekt på oppvekstvilkåra for barn og unge, og kome dei utfordringane ein ser i møte på ein systematisk måte.

Det vert vist til aukande tal på ungdom med psykiske helseutfordringar. Kommunen vil ha lågterskeltilbod til barn og unge. Fylkesmannen vil spesielt understreke at lågterskeltilbod i form av *skolehelseteneste* og *helsestasjon for ungdom* er tiltak som vi veit er av stor betydning for barn og unge si psykiske helse.

Når det gjeld målsetting om å utjamne sosiale skilnader veit vi at arbeid i eit familieperspektiv særer viktig. Fattigdom går ofte i arv. Skal ein hjelpe barn og unge er arbeidsretta tiltak for foreldre eit av dei viktigaste tiltaka. Heilskapleg tenking der NAV er ein av hovudaktørane, er grunnleggande i eit slikt arbeid.

Når det gjeld medverknad har kommunen eit eige punkt for det. Inkludering av alle barn og unge i prosessane er viktig, i tillegg til ungdomsråd. For å nå alle barn, også dei som ikkje er i ungdomsrådet vil vi oppmøde kommunen til å bruke elevråda ved skolane. Vi vil igjen minne om at samfunnet, i tråd med barnekonvensjonen, har ei plikt til å legge informasjonen til rette for at barn og unge skal kunne gjere seg opp ei meinig.

Skole, barnehage, barnevern

I kapittel 1.1. – om lovgrunnlaget for kommuneplanen og samfunnsdelen – legg kommunen vekt på at samfunnsdelen ikkje skal vere meir omfattande enn naudsynt. Med dette som bakgrunn finn Fylkesmannen at *skole og barnehage* har fått ein omtale som bør kunne gi eit godt utgangspunkt for meir detaljerte og handlingsretta utgreiingar i andre delar av planverket. Vi legg mellom anna merke til at kommunen ut frå dagens barnetal ikkje reknar å få kapasitetsproblem i skole og barnehage, men at ny bustadbygging, særleg i Julsundet, kan føre til at dette må revurderast.

Det er opp til kommunen å vurdere om det er trong for nye eller reviderte planar på dei ulike tenesteområda. Dersom dette er aktuelt på desse områda, bør den nye rammeplanen for barnehagar frå 1.8.2017 vere ein viktig del av vurderingsgrunnlaget. Nye og omfattande kompetansekrav for lærarar i grunnskulen frå 2025 bør like eins takast inn i plangrunnlaget for skolane i kommunen. For å nå krava, må skolering av lærarar setjast i gang raskt.

Fylkesmannen kan ikkje sjå at *barnevern* er spesifikt omtalt i planen. Aukra samarbeider med nabokommunar på dette feltet, og det kan vere grunn til å minne om at kommunen framleis står ansvarleg, også for ansvarsområde som er ivaretakne gjennom interkommunalt samarbeid. I omtalen av skole, barnehage og oppvekstvilkår kjem kommunen inn på tema der også barnevernsproblematikk kan vere aktuelle å ta med i meir spesifikke planar, i tilfelle kommunen vurderer dette som aktuelt, gjerne på tverrfagleg basis. Det kan då òg vere på sin plass å vise til den pågående barnevernsreforma, der sentrale punkt er kompetanseheving og auka ansvar til kommunane.

Bustad-, areal- og transportplanlegging

Det er positivt at dei prinsipielle avklaringane som vart gjort ved revidering av arealdelen i 2017 kjem inn i samfunnsdelen i eigna form. Dette gjeld til dømes tettstadutvikling Falkhytten og i Julsundet, og klarare linjer om kvar ein ønsker bustadbygging i kommunen generelt. Klimautfordringane står sentralt under punktet 3.9 Klima og miljø. Gjennom

oppsplitting av delmål under overskrifta «slik gjer vi det», blir strategiske føringar for arealdelen av kommuneplanen synleggjort.

Folkehelse

I pkt. 3.1 er det eit avsnitt om folkehelse. I motsetning til dei andre tema i kapittel 3 har folkehelse ikkje fått eigne punkt under overskrifta «slik vil vi ha det». Det blir i tekstdelen streka under at folkehelse er noko som skal direkte eller indirekte gjennomsyre samfunnet. Vi ser at fleire av satsingsområda har eit folkehelseperspektiv i seg utan at dette er eksplisitt uttalt. Aukra har med det fått folkehelse til å bli ei grunnleggande tenking for fleire sektorar. Samstundes kan det vere ein fordel å sette seg nokre tydeleg uttalte mål også på dette området, med utgangspunkt i oversiktsarbeidet som det vert vist til (jf. folkehelselova) Det kan føre til ei auka bevisstheit på området, og få fram at dette heng nøyne saman i eit tverrfagleg perspektiv.

Universell utforming

Universell utforming bør drøftast og nedfellast i kommuneplanens samfunnsdel som ei gjennomgåande føring for vidare planarbeid og for sektorane si verksemd. Det er særleg relevant å drøfte kva dette inneber i forhold til overordna tema som barn og unges oppvekstmiljø, folkehelse, eldrepolitikk og integrering. Ei rekke premissar for vidare planarbeid kan nedfellast her, samt at grep for gjennomføring kan knytast til handlingsdel og økonomiplan.

Universell utforming bør nemnast som eit førande prinsipp for korleis fysiske omgivnader skal utformast. Kommunen må kunne dokumentere medverknad og at desse utfordringane er drøfta i kommuneplanprosessen. Fylkesmannen rår til å ta i bruk rettleiarar på nett, som f.eks. på www.regjeringen.no og på www.planlegging.no. Det er også lovfesta rettar som skal sikre tilgjenge for personar med nedsett funksjonsevne i *Lov om diskriminering og tilgjengelighet*.

Helse, omsorg og sosial

Aukra kommune har satt dei demografiske utfordringane med fleire eldre på dagsorden, samt rekruttering av helsepersonell. Kommunen har fokus på fornying og forbetring med mellom anna ei vriding av tenestene mot eigenmeistring, rehabilitering, bruk av velferdsteknologi og samspel med frivillige.


Nytt for perioden 2019-2023 er kvalitetsreforma for eldre «*Leve hele livet*». Målgruppa er eldre over 65 år. Reforma skal medverke til fleire gode leveår, pårørande sin situasjon og tilsette som opplever å ha eit godt arbeidsmiljø, der dei får brukt sin kompetanse og gjort ein fagleg god jobb. Det er viktig at alle sektorar er med å medverke til eit meir aldersvenleg samfunn. Det er ein føresetnad at kommunane i perioden 2019-2020 gjennom politisk handsaming tek stilling til forslaga i reforma, og beskriv korleis dei vil utforme og gjennomføre dei lokalt. Det vil vere naturleg å prioritere dette i kommunen sin handlingsplan/økonomi-plan som blir revidert årleg. Kommunar som omstiller seg i tråd med reforma, vil bli prioritert innanfor relevante eksisterande og eventuelle nye øyremerka ordningar.

Sosial skilnader er ei av samfunnet sine store utfordringar framover. I planen har Aukra kommune peika på at å utjamne sosiale skilnader for den gruppa er eit satsingsområde. Men negative konsekvensar i forhold til sosiale skilnader gjeld også den vaksne delen av befolkninga i kommunen. Korleis kommunen vil møte utfordringar knytt til dei som ikkje deltar i samfunnet enten på grunn av økonomiske problem, minoritetsbakgrunn, psykisk eller somatisk sjukdom eller rusutfordringar er ikkje nemnt i planen. Både kommunen og NAV har i fellesskap eit ansvar for å bidra, og Fylkesmannen meiner dette er eit perspektiv som bør komme fram i samfunnsplanen.

Landbruk

Fylkesmannen saknar ei nærmare omtale om jordvern både med tanke på matproduksjon, beredskap og som den viktigaste næringsressursen for framtidig vekst i landbruket.

Jordvern er viktig for å produsere mat for dagens og framtidas generasjonar, og for å nå det nasjonale målet om auka matproduksjon.



Illustrasjon frå Sykkylven om eiga sjølvforsyning.

Bevaring av matjord bidreg til å ivareta landbrukets næringsareal med moglegheiter for utviding og utvikling av bedrifta. Nasjonal jordvernstrategi har eit mål om at tapet av dyrka mark skal kome under 4000 dekar i året.

Fylkestinget har vedteke eit regionalt jordvernsmål om at ikkje meir enn 200 dekar skal omdisponerast per år, i så måte har kvar kommune i Møre og Romsdal ein «kvote» på maksimum $5\frac{1}{2}$ dekar som kan omdisponerast kvart år. For 2017 var Møre og Romsdal det fylket i landet som bygde ned mest matjord. Jordvern og matproduksjon er eit av dei viktigaste samfunnsansvara i ein nasjon, og regjeringa peikar på at det er kommunane som er jordvernmyndigheita.

Bevaring av matjord og auka matproduksjon er også eit særskilt beredskapstiltak. Det er eit nasjonalt mål at sjølvforsyningssgraden i Norge skal aukast i takt med auka i folketalet. I så måte kunne det vore både illustrativt og informativt om Aukra kommune gjennom samfunnsplana kunne vise til kor sjølvforsynt dei er med omsyn til mjølk og kjøttproduksjon i kommunen, t.d. slik som Sykkylven kommune har gjort.

Samfunnstryggleik og klimatilpassing

Fylkesmannen ser at Aukra kommune med samfunnsdelen langt på veg oppfyller § 3 i forskrift om kommunal beredskapsplikt. Denne paragrafen skal mellom anna sikre heilskapleg og systematisk arbeid med samfunnstryggleik. Kommunen skildrar sine mål («slik vil vi ha det»), og strategiar for å nå desse måla («slik gjer vi det»). Det som manglar er ein plan for oppfølging av arbeidet med samfunnstryggleik, der kommunen mellom anna følgjer opp dei strategiske vala gjennom prioritering av tiltak. Kommunen må vurdere om dette er noko dei ynskjer å gjere som ein del av kommuneplanen sin samfunnsdel, eller om kravet skal varetakast gjennom andre sentrale dokument i kommunen. Fylkesmannen tilrår i tråd med DSB sin rettleiar til forskrift om kommunal beredskapsplikt, at arbeidet med samfunnstryggleik integrererast i planar etter plan- og bygningslova. Dette for å synleggjere samfunnstryggleiksarbeidet i samanheng med kommunen sine andre ansvarsoppgåver.

Vidare merkar vi oss at det er skildra at kommunen skal utarbeide heilskapleg ROS-analyse ein gong i kvar valperiode. Vi gjer merksam på at § 6 i forskrift om kommunal beredskapsplikt krev at heilskapleg ROS-analyse skal oppdaterast i takt med revisjon av kommunedelplanar, og elles ved endringar i risiko- og sårbarheitsbildet. Det kan derfor bli naudsynt å oppdatere kommunen sin heilskaplege ROS-analyse oftare enn kvart fjerde år. Kommunen bør vurdere om dei skal endre formuleringa til dette punktet.

Kommunen sin heilskaplege ROS-analyse er frå 2014, og må derfor oppdaterast. Vi nyttar derfor høvet og viser til DSB sin oppdaterte rettleiar til forskrift om kommunal beredskapsplikt (april, 2018), og DSB sin rettleiar til heilskapleg risiko- og sårbarheitsanalyse i kommunen (oktober, 2014). Vidare vil òg DSB sin rettleiar om tryggleik rundt storulykkesverksemd (mars, 2017) vere særleg relevant for Aukra kommune.

Kommuneøkonomi

Økonomiplanen (kommunelova § 44) bør inngå i handlingsdelen i kommuneplanen (plan- og bygningslova § 11-1). Økonomiplanen tar utgangspunkt i kommuneplanens langsiktige mål, strategiar og utfordringar og viser korleis kommunen skal nytte sine ressursar for å nå vedtekne politiske mål.

Kommunen må sjølv konkretisere korleis styringsdokumenta skal henge saman og kva for rutinar som skal gjelde for utarbeiding av dei ulike plandokumenta. Økonomiplanen inngår både i eit eittårsperspektiv saman med årsbudsjettet og årsrekneskapen, og eit fireårsperspektiv i kommuneplansystemet med planar på mellomlang og lang sikt.

Risikoen ved manglande langsiktig planlegging er at kommunen misser kontrollen over økonomien og hamnar i ubalanse. Kommunen må etablere ei berekraftig drift som kan

handtere framtidige endringar i rammevilkåra. Teknisk berekningsutval tilrår at netto driftsresultat er på minimum 1,75 prosent for å oppretthalde formuebevaringsprisippet, og at avsetting til disposisjonsfond er 5-10 prosent. Kommunen er avhengig av å være i forkant av utfordringar og endringar i behov for å behalde handlingsrommet.

Konklusjon

Aukra kommune har med utkast til kommuneplanens samfunnsdel levert eit oversiktleg og gjennomarbeidd planutkast. Samfunnsdelen vil vere eit godt verktøy for ei langsiktig, tverrsektoriell og strategisk planlegging av kommunen som samfunn og som organisasjon. Kommunen har med dette lagt eit godt grunnlag for vidare planarbeid.

Vi saknar meir om *korleis* måla skal nåast og strategiane lukkast. Ein bør derfor vidare i arbeidet med handlingsdelen gjere ei prioritering mellom mål og strategiar som vil kunne styre satsinga i endå større grad.

Vi viser elles til merknadene over, samt vår fråsegn til oppstart av planarbeidet av 30.05.2017. Vi ber om at det blir tatt omsyn til desse i det vidare planarbeidet.

Med helsing

Sveinung Dimmen (e.f.)
samordnar

Kristin Eide
senioringeniør

Dokumentet er elektronisk godkjent og har ingen signatur.

Fagsaksbehandlar

Barn og unge: Dagfinn Sørum, tlf. 71 25 85 70
Helse: Greta Irene Hanset, tlf. 71 25 85 47
Landbruk: Tormod Meisingset, tlf. 71 25 84 04
Samfunnstryggleik: Jon Erik Eik, tlf. 71 25 84 89

Kopi

Møre og Romsdal fylkeskommune, Fylkeshuset, 6404 Molde
Statens vegvesen, Region midt, pb. 2525, 6404 Molde
Kystverket Midt-Norge, Serviceboks 2, 6025 Ålesund



Statens vegvesen

Aukra kommune
Nyjordvegen 12
6480 AUKRA

Behandlende enhet: Saksbehandler/telefon: Vår referanse: Deres referanse: Vår dato:
Region midt Vidar Neraas / 71274773 16/187246-9 2017/352-88/141 17.12.2018

Uttale til høring av samfunnssdelen av kommuneplanen for Aukra kommune

Statens vegvesen viser til deres brev datert 30.10.2018.

Statens vegvesen har ansvar for å sørge for at føringer i Nasjonal transportplan (NTP), Statlige planretningslinjer for samordnet bolig-, areal- og transportplanlegging, vognnormalene og andre nasjonale og regionale arealpolitiske føringer blir ivaretatt i planleggingen. Vi uttaler oss som forvalter av fylkesveg på vegne av fylkeskommunen og som statlig fagmyndighet med sektoransvar innenfor vegtransport.

Saksopplysninger

Aukra kommune har lagt ut samfunnssdelen til kommuneplanen ut til offentlig ettersyn.

Statens vegvesen har følgende merknader til planen

Folkehelse

Samfunnssdelen har samfunnstrygghet og folkehelse som gjennomgående perspektiv. Under temaet folkehelse må trafikksikkerhet innlemmes som en del av dette arbeidet. I henhold til folkehelseloven §§ 5–7 har kommunene plikt til å identifisere folkehelseutfordringer, og fastsette strategier for nødvendige tiltak. Tiltak rundt trafikksikkerhet, ulykkesforebygging, og faktorer som fører til ulykker inngår en del av folkehelsearbeidet. Det er viktig at også forhold som går på undervisning trekkes inn i dette arbeidet.

Stimulering til økt fysisk aktivitet samt hverdagsaktivitet gjennom tilrettelegging for trafikksikre løsninger mjuke trafikanter er også et viktig tema i både trafikksikkerhets- og folkehelsearbeidet. Iverksetting av tiltak på grunnlag av tverrfaglig kunnskap bør inngå som en del av folkehelsearbeidet. Dette gjelder også en kobling av det holdnings- og kunnskapsmessige trafikksikkerhetsarbeidet og det fysiske trafikksikkerhetsarbeidet sett opp mot det generelle helsearbeidet.

Postadresse
Statens vegvesen
Region midt
Postboks 2525
6404 MOLDE

Telefon: 22 07 30 00
firmapost-midt@vegvesen.no
Org.nr: 971032081

Kontoradresse
Bjørnstjerne Bjørnsons veg 6
6412 MOLDE

Fakturaadresse
Statens vegvesen
Regnskap
Postboks 702
9815 Vadsø

I tilknytting til folkehelse vil vi også påpeke at trafikkstøy er et miljøproblem som kan påvirke folkehelsen. Det er viktig å ta hensyn til dette temaet blant annet ved planlegging av ny støyfølsombebyggelse og tettstedsutvikling.

Attraktiv kommune

Under temaet «Attraktiv kommune» vektlegges sentrumsutviklingen både på Falkhytten og i Julsundet. Mål man setter seg for videreutvikling av infrastrukturen er blant annet å sikre trygge skoleveger, arbeide for bedre kollektivtilbud, fortsette arbeidet med Gossen fastlandssamband, samarbeid om bruksendring/brukstilpasning av fylkesveg 662 i Julsunde med tanke på flere boligareal mv.

Til arbeidet med utvikling av områdene må de statlige planretningslinjene for samordnet bolig-, areal- og transportplanlegging legges til grunn. Retningslinjen er tydelig på at det skal legges opp til et utbyggingsmønster som reduserer transportbehovet, fremmer miljøvennlige transportvalg og som reduserer klimagassutslipp. Strategier og delmål for å oppnå dette, må diskuteres nærmere i samfunnsdelen.

Felles for begge sentrumsområdene er at de ligger som randbebyggelse langs relativt høyt trafikkerte fylkesveger. Da dette også er veger med stor transportmessig betydning, vil kommunenes ønsker om sentrumsutvikling og vegmyndighetenes krav om å ivareta vegens transportfunksjon blir da ofte et konfliktpunkt.

Fylkesveg 662 nevnes særlig i strategier for utvikling av infrastrukturen, og vi er noe spørrende til hva som legges i begrepene «bruksendring og brukstilpassing av fylkesveg 662». Dette kan tolkes som at vegen underordnes utbyggingen i området, og vil etter vår vurdering ha en uheldig konsekvens for fylkesvegens transportfunksjon. Tolkningen kan på sett og vis stå i motstrid med føringene for arbeidet med arealdelen om sikre et godt vegnett for både innbyggere og næringsliv ut fra et en bruksendring/brukstilpasning (nedbygging av vegen) vil være til negativt for et effektiviteten til kollektiv- og gods-/næringstrafikken.

Fylkesveg 662 i Julsundet er en viktig veg med stor transportmessig funksjon. Dette er forankret i blant annet fylkeskommunens «funksjonsinndeling» av fylkesvegnettet. Dersom kommunen har overnevnte tolkning til hensikt, vil dette medføre en interessekonflikt mellom kommunens ønske om stedstilpassing av vegen og vegeiers krav om ivaretakelse av vegens transportfunksjon.

Sentrumsutviklingen skjer også som tosidig randbebyggelse langs fylkesvegene i området (fylkesveg 662 og 215), og medfører at vegen blir en barriere mellom utbyggingsområdene. Et slik utbyggingsmønster vil medføre økt ulykkesrisiko med tanke på ferdsel langs og på tvers av fylkesvegene da fylkesvegen i større grad vil inngå som en lokalveg mellom stadig ekspanderende sentrumsbebyggelse. En slik økning i risiko vil også bidra til at blant annet foreldre er redde for å sende barn og unge ut alene, og man vil da i større grad vil benytte privatbil for å komme seg til daglige gjøremål. Samfunnsdelen må ut fra vår vurdering ha fokus på få å etablere mer kompakte og arealeffektive områder slik at man enklere kan legge

til rette for effektive og sikre forbindelser mellom de ulike områdene, jf. de statlig planretningslinjene for samordnet bolig-, areal- og transportplanlegging.

Samfunnsdelen må også omtale strategier og mål for hvordan man kan redusere bilbruken utover arealbruk, tilrettelegging for mjuke trafikanter og kollektiv. Blant annet parkeringsnormer er et effektivt tiltak for å redusere bil bruk.

Konklusjon

Aukra kommune har utarbeidet en lettfattet og god samfunnsdel som gir et godt grunnlag for utvikling i kommunen. Det er imidlertid noen forhold vi har kommentert som etter vår vurdering må tas inn/presiseres.

Plan- og trafikkseksjonen

Med hilsen

Lisbeth Smørholm
seksjonssjef

Vidar Neraas
overingeniør

Dokumentet er godkjent elektronisk og har derfor ingen håndskrevne signaturer.

Kopi

Fylkesmannen i Møre og Romsdal, Postboks 2520, 6404 MOLDE
Møre og Romsdal fylkeskommune, Postboks 2500, 6404 MOLDE

Til Aukra kommune

Aukra 12.12.18

Merknad til AUKRA 2030 Kommuneplan for Aukra Mål og strategiar

Kommuneplanen er den viktigaste og mest overordna planen i ein kommune. Det som står i denne planen vert førande for alt anna planarbeid kva gjeld innhald og prosess.

Kommuneplanen seier mykje bra om medverknad. Samstundes kan planen seie enda litt meir for å sikre barn og unges interesser i planlegginga.

Medvirkning

Enhver som fremmer planforslag, skal legge til rette for medvirkning. Kommunen skal påse at dette er oppfylt i planprosesser som utføres av andre offentlige organer eller private.

Kommunen har et særlig ansvar for å sikre aktiv medvirkning fra grupper som krever spesiell tilrettelegging, herunder barn og unge. Grupper og interesser som ikke er i stand til å delta direkte, skal sikres gode muligheter for medvirkning på annen måte.

Plan- og bygningsloven § 5-1

Barn og unges representant i plansaker etter plan- og bygningslova etterlyser standpunkt i planen på:

- At *barn og unges representant i plansaker* skal **koplas på** plansakene
- At *barn og unges representant* for å ha reell medverknad skal koplast i **prosess** (og ikkje først når ei sak er ute på offentleg høyring)

Representanten vonar at dette vert teke inn i planen.

Mvh.

Marianne Bolghaug



Barn og unges representant i plansaker

Uttalelse til kommuneplanen sin samfunnsdel for Aukra kommune

Behandlet på styremøte i Aukra Næringsforum torsdag 6. september 2018.

Overordnede mål

Aukra næringsforum har følgende strategiske satsingsområder:

- Havrommet (fiskeri, akvakultur m.v.)
- Reiseliv (Øyriket i Romsdal, Masterplan for reiseliv i Molde regionen).
- Utvikling av eksisterende og nye virksomheter innen lokalt næringsliv.

Mål og strategier

Forslag til Aukra - kommuneplanen sin samfunnsdel:

ATTRAKTIVITET (FOLK, NÆRING OG TRIVSEL)

Om utdanning

MÅL (slik vil vi ha det):

Vidareutvikle gode oppvekst- og skuletilbod i Aukra.

STRATEGIAR:

- Styrke samarbeidet mellom kommune, skule og næringsliv.

Om arbeidsmarknad

MÅL (slik vil vi ha det):

Aukra kommune skal kunne tilby ein variert arbeidsmarknad.

STRATEGIAR (slik gjer vi det):

- Kommunen skal sjølv, og i samarbeide med nærliggande kommunar, legge til rette for attraktive næringsområde.
- Legge til rette for berekraftig utvikling av jord-, skog- og fjordbruk, og næringar som er knytt opp til desse.
- Satse målretta på innovasjon og gründerverksemd, støtte eksisterande lokal industri og næringsverksemd, og utvikle arbeidsplassar.

Om møteplassar

MÅL (slik vil vi ha det):

Aukra skal vere ein kommune med attraktive møteplassar.

STRATEGIAR (slik gjer vi det):

- Utvikle samarbeid med Aukra Næringsforum, lag og organisasjonar om felles strategi og tiltak for marknadsføring og aktivitetar gjennom året.

Føringar for arealdelen:

- Sikre nødvendige areal til næringsformål.
- Sikre god og berekraftig forvaltning av sjøareal og areal til havbruksnæring.
- Sikre eit god vegnett for både innbyggjarar og næringsliv, under her realisere veg og bruer over Kjerringsundet.
- Utgreie storkai i Aukra eller i nærliggande kommunar.
- Legge til rette for tilbod og konkurranse om breiband til næringslivet.

BUSETTING.

Befolkningsvekst.

MÅL (slik vil vi ha det):

Aukra kommune skal ha positiv befolkningsvekst lik gjennomsnittet for landet.

STRATEGIAR (slik gjer vi det):

- Legge til rette for næringsutvikling og vidareutvikle arbeidsplassar innanfor privat og offentleg sektor.

Føringar for arealdelen:

- Legge til rette for næringsaktørar som vil bygge eideom til bustader og/eller til næringsføremål.
- Legge til rette for bu- og arbeidsplassar på Orten.

AUKRA I REGIONEN

Aukra i Molderegionen

MÅL (slik vil vi ha det):

Aukra kommune skal kombinere utvikling av kommunesentra på øy og fastland, samtidig som Aukra skal bidra til å utvikle Molderegionen.

STRATEGIAR (slik gjer vi det):

- Vidareutvikle og styrke regionale funksjonar i området, og utvikle sentrum både på Gossen og Hollingen med innslag av urbane kvalitetar der det lar seg gjere.
- Styrke og vidareutvikle bu- og arbeidsregionen, og vidareutvikle samarbeidet med resten av Molderegionen.
- Styrke næringslivet med vekt på innovasjon og gründerverksemd, og vidareutvikle utdanningstilbodet i Molderegionen.

MÅL (slik vil vi ha det):

Styrke og bygge opp Aukra og Øyriket i Romsdal som handels-, kultur og opplevingsdestinasjon.

STRATEGIAR (slik gjer vi det):

- Medverke til utvikling og marknadsføring av natur- og reiselivsdestinasjonar.
- Legge til rette for næringsareal og medverke til utvikling av samarbeidet mellom Kommune, Aukra Næringsforum, NCE iKuben, ProtoMore kunnskapspark og andre næringsfora i regionen.

MÅL (slik vil vi ha det):

Styrke Aukra som eit attraktivt reise- og friluftslivsområde.

STRATEGIAR (slik gjer vi det):

- Arbeide aktivt for å marknadsføre Aukra og «Øyriket i Romsdal» som eit attraktivt reise- og friluftslivsområde.
- Legge til rette for gode og kystrnære reiselivstilbod med fokus på gode opplevelingar og lokal matkultur.
- Utvikle samarbeidet med andre reiselivsdestinasjonar i regionen.

Føringar for arealdelen:

- Legge til rette for overnattings- og serveringstilbod.

AUKRA I SENTRUM

Attraktivt og særprega.

MÅL (slik vil vi ha det):

Aukra skal vere attraktiv for auka trivsel, handel og aktivitet.

STRATEGIAR (slik gjer vi det):

- Utvikle samarbeid med Aukra Næringsforum, lag og organisasjonar om felles strategi for marknadsføring og aktivitetar gjennom året.
- Sikre handel og aktivitet på gateplan, møteplassar (t.d. kafear) og medverke til at tomme lokale vert tekne i bruk.
- Stimulere til vidareutvikling av detaljhandel med allsidig tilbod i sentrumskjernen.

KLIMA OG MILJØ

MÅL (slik vil vi ha det):

I Aukra skal utslepp frå transportsektoren reduserast og fleire skal reise med miljøvennleg transport..

STRATEGIAR (slik gjer vi det):

- Utvikle trygge, samanhengande, finmaska og attraktive gang- og sykkelvegar.
- Vidareutvikle kollektivtilbodet og haldeplassane i kommunen.
- Legge til rette for auka bruk av EL-bilar og andre miljøvennlege transportmiddel.
- Jobbe for miljøvennleg ferjetransport, med frekvens og kapasitet heile døgnet fram til vegforbindelsen over Kjerringsundet er realisert.

Føringer for arealdelen:

- Sikre areal til gode kollektivtrafikkloysingar og kollektivknutepunkt på Falkhytten og Hollingen.
- Etablere ladestasjonar for EL-bilar/EL-køyretøy på Falkhytten og Hollingen.

TENESTER

MÅL (slik vil vi ha det):

Tenestene skal vere i samsvar med lover og forskrifter, og med god nok kvalitet.

STRATEGIAR (slik gjer vi det):

- Vere i dialog med brukarane, vurdere behov og kartlegge brukaren sine eigne ressursar.
- Prioritere kompetanseutvikling for tilsette.
- Skape ein kultur for openheit, læring og innovasjon, og legge til rette for nyskaping og digital tenesteproduksjon i organisasjonen.
- Sørge for å ha både kapasitet og kompetanse når innbyggjarar og næringsliv treng til dømes råd, rettleiing og sakshandsaming.
- Samarbeide godt på tvers av sektorar i egen organisasjonen og med andre kommunar – for å samordne tenester og kontinuerleg evaluere organisasjonen.

SAMFUNNSTTRYGGLIKA

MÅL (slik vil vi ha det):

Aukra kommune skal til einkvar tid ha gode system for beredskap.

STRATEGIAR (slik gjer vi det):

- Ha ein god, oppdatert og godt kjent beredskapsplan og plan for kriseleiinga, og øve i samsvar med kvalitetssystemet for beredskapsarbeid.

MÅL (slik vil vi ha det):

Det skal vere gode kommunikasjonar til alle delar av kommunen.

STRATEGIAR (slik gjer vi det):

- Sikre optimal kommunikasjonsdekning og straumforsyning i heile kommunen.
- Sikre beredskapsferje.
- Sikre system for alternativ transport ved krisesituasjonar.



Til	Vår sakshandsamar	Vår dato	Vår referanse
Aukra kommune	Kari Olrich Sørebø	07.12.2018	2014/2755-10/314
Nyjordvegen 12 6480 AUKRA		Tidligare dato 30.10.2018	Tidligare referanse 2017/352

Fråsegn - kommuneplan for Aukra - samfunnsdelen - fyrste offentlege høyring

Vi viser til høyring av kommuneplanen sin samfunnsdel for Aukra kommune. Forsvarsbygg gir høyringssvar til denne type saker for å ivareta forsvarssektoren sine arealbruksinteresser. Utgangspunktet vil alltid vere at Forsvarets faste tilhald har bakgrunn i ei nasjonal avgjerd om lokalisering, og at den militære verksemda som med avgjerala er tiltenkt å vere på staden må kunne videreførast optimalt.

Forsvarets aktivitet er avgrensa i Aukra kommune. Hovudaktiviteten er knytt til heimevernet og IKT-anlegg nokre få stader i kommunen. Forsvarets aktivitet er ikkje nemnt i planen, men vi ber om at Forsvarets interesser og arealbruksbehov vert vurdert og sikra i det vidare planarbeidet, både KPA og gjennom tidlig dialog i reguleringsplan- og byggesaker.

Bjørn Bergesen

Leiar arealplan
Stab for eiendomsstyring

Dette dokumentet er elektronisk godkjend og difor ikkje signert.



Aukra kommune

Aukra kommune
Nyjordvegen 12
6480 AUKRA

Vår ref.:
2016/906-46/033

Dykkar ref.:

Saksbehandlar:
Lene Marita Ræstad

Dato:
04.12.2018

Uttale frå Aukra Ungdomsråd for Kommuneplan for Aukra, samfunnsdel 1.høyring.

Høyringa vart tatt opp i Ungdomsrådet sitt møte 4.desember.

Ungdomsrådet har merknad til klima og miljø og kring barn og unge i Aukra kommune.

For å få ned bruken av privatbilar til og frå aktivitetar som skjer i kommunen, bør kollektivtilbodet i kommunen utbetraast. Dette gjeld særskild på Gossen. Det er ønskeleg at det vert sett opp buss som går fleire gonger per dag/kveld kring øya. I følgje plana skal mykje aktivitet verte sentrumsnært, da må det vere transport som er tilrettelagt for dei som bur i utkantane kan kome seg til og frå sentrum.

Auka busstilbod må eventuelt vere eit økonomisk samarbeid mellom fylkeskommunen og Aukra kommune i høve auka kostnader dette vil medføre.

Ungdomsrådet er positive til at barn og unge er ivaretatt i plana og at dette er ei lovpålagt oppgåve som vert fulgt opp av kommunen.

Med helsing

Lene Marita Ræstad
Ungdomsarbeidar, sekretær for Aukra Ungdomsråd

Postadresse	Besøksadresse	Telefon	Bank
Nyjordvegen 12 6480 Aukra E-post: post@aukra.kommune.no	Nyjordvegen 12 Org.nr. 964 981 337 www.aukra.kommune.no	71 17 15 00 Telefaks 71 17 15 01	9650.26.60192 Bankto. skatt 6345 06 15473



Aukra kommune

Dykkar ref.:

Vår ref.: 15/30
JournalpostID:
18/5921

Saksbehandlar, tlf.
Mariann Husøy, 70165706

Dato: 07.12.2018

Kommuneplan - samfunnsdel - Aukra kommune - høyringssvar frå Sandøy kommunestyre

Kommunestyret - 2018/70:

Det er gjort følgjande vedtak i saka:
Kommunestyret vedtek samrøystes

Sandøy kommunestyre vil som høyringsuttale til kommuneplanen sin samfunnsdel for Aukra kommune, understreke ønske om vidareføring av eit godt samarbeid, også etter at Sandøy kommune blir del av nye Ålesund.

Sandøy kommunestyre viser elles til uttale slik den framgår av saksframlegget.

Med helsing


Anny Sønderland
rådmann

Mariann Husøy
rådgjevar

Dokumentet er elektronisk godkjent og har ingen signatur.

Vedlegg:
Acos.Møte.Application.Document.ContentInformation.VedtaksbrevContentInformation

Mottakarar:
Aukra kommune



Saksframlegg

Kommuneplan - samfunnsdel - Aukra kommune - høyring

Saksnr.	Utval	Møtedato
2018/122	Formannskapet	04.12.2018
2018/70	Kommunestyret	06.12.2018

Vedlegg:

Dok.dat	Tittel	Dok.ID
06.11.2018	Kommuneplan for Aukra	1364944
06.11.2018	Følgjeskriv	1364945

Samandrag:

Aukra kommune har lagt kommuneplanen sin samfunnsdel ut til høyring. Saka foreslår høyringsuttale frå Sandøy kommune.

Saksopplysningar:

Aukra kommune har lagt kommuneplanen sin samfunnsdel ut til høyring. Aukra kommune ønskjer høyringssvar innan 12.12.2018.

Aukra kommune er nabokommunen til Sandøy, og det er dermed aktuelt med ein høyringsuttale.

I kapittelet «Aukra i regionen» går det fram at Aukra vil satse på eit godt omdømmme og eit godt samarbeid med dei nye kommunane som etablerer seg i regionen.

Aukra kommune har gjennom kommunestyrevedtak valt å stå åleine. I planen blir det peika på dette, og at det rundt dei vil oppstå to nye større kommunar: Nye Molde kommune og Hustadvika kommune. I planen går det fram at desse endringane vil gi utfordringar for kommunen der interkommunalt samarbeid og samarbeidsavtalar kjem til reforhandling.

I kommuneplanen blir det ikkje nemnt at kommunen også vil få Nye Ålesund som nabo. Det blir derimot peika på at ein del av innbyggjarane i Sandøy ønska overføring til Aukra. Øyane Orten og Lyngværet skal overførast til Aukra. Dette blir omtalt slik: Denne utvidinga blir innarbeidd i kommuneplanen sin samfunnsdel.

I avsnittet om samferdstiltak i Aukra kommune sitt utkast til kommuneplan blir ikkje sambandet Småge, Orten, Finnøy, Sandøy, Ona nemnt.

I handlingsplan og økonomiplan 2019-2022, budsjett 2019 for Sandøy kommune blir grensejusteringa omtalt slik:

Det vart i 2018 gjort vedtak om grensejustering. Orta, Flatfesa og Lyngværet går over til Aukra kommune. Sandøy kommune og Aukra kommune skal gjere nærmere avtalar kring denne justeringa. Det vil vere både romsdalingar og sunnmøringar i nye Ålesund. Det blir viktig å sikre godt samarbeid og gode samband nordover. Ona og Sandøya har sterkt tilknytting nordover.

Sambandet Småge, Orten, Finnøy, Sandøy, Ona er viktig, og det kan vere aktuelt å vidareføre ulike former for samarbeid.

«Øyriket i Romsdal» blir omtalt slik:

«Gjennom reiselivssatsinga «Øyriket i Romsdal» har kommunen saman med nabo – øykommunar lagt til rette for natur- og kulturopplevingar. Denne satsinga voner ein kan ha positive verknader både for lokal kultur og identitetsbygging og for ny næringsetablering.»

Sandøy kommune har deltatt i «Øyriket i Romsdal». Sandøy kommunestyre vedtok i møte 8.12.2016 å sette ned eit ad hoc utval med mandat å klargjere Sandøy kommune sitt engasjement i utvikling av reiselivs- og turistnæring lokalt. Dette arbeidet er ikkje avslutta.

Aukra, Midsund og Sandøy har legevaktsamarbeid. Aukra og Midsund ønskjer legevaktsamarbeid nordover under føresetnad at det blir beredskapsferge. Det går fram i sak om dette i Aukra kommune at ein likevel vil vere avhengig av båttransport. Her vil det kunne vere eit aktuelt samarbeidsområde framover.

Sandøy kommune skal bli del av nye Ålesund. Nye Ålesund vil grense mot Aukra kommune, og kommunedelen vil framleis ha ei plassering midt mellom dei to byane Molde og Ålesund. For samfunnet vil det framleis vere viktig med ei tilknyting og samarbeid nordover.

Økonomiske konsekvensar:

Ingen av denne saka.

Vurdering og konklusjon:

Rådmannen viser til omtale ovanfor og rår til at dette blir sendt Aukra kommune som høyringsuttale til kommuneplanen sin samfunnsdel.

Framlegg til vedtak:

Sandøy kommunestyre vil som høyringsuttale til kommuneplanen sin samfunnsdel for Aukra kommune, understreke ønske om vidareføring av eit godt samarbeid, også etter at Sandøy kommune blir del av nye Ålesund. Sandøy kommunestyre viser elles til uttale slik den framgår av saksframlegget.

04.12.2018 Formannsskapet

Behandling:

F-2018/122 Vedtak:

Formannskapet tilrår samråystes:

Sandøy kommunestyre vil som høyringsuttale til kommuneplanen sin samfunnsdel for Aukra kommune, understreke ønske om vidareføring av eit godt samarbeid, også etter at Sandøy kommune blir del av nye Ålesund. Sandøy kommunestyre viser elles til uttale slik den framgår av saksframlegget.

06.12.2018 Kommunestyret**Behandling:****K-2018/70 Vedtak:****Kommunestyret vedtek samråystes**

Sandøy kommunestyre vil som høyringsuttale til kommuneplanen sin samfunnsdel for Aukra kommune, understreke ønske om vidareføring av eit godt samarbeid, også etter at Sandøy kommune blir del av nye Ålesund. Sandøy kommunestyre viser elles til uttale slik den framgår av saksframlegget.

Anny Sønderland
rådmann

Anny Sønderland
rådmann



Aukra kommune
Aukraringen 25
6480 AUKRA

Dato: 07.12.2018
Vår ref: 17/00721-4
Deres ref: 2017/352-88/141

Fråsegn til 1. gongs offentlege høyring av kommuneplanen sin samfunnsdel for Aukra kommune

Leiv Erikssons vei 39
Postboks 3021 Lade
N-7441 Trondheim

TELEFON +47 73 90 46 00
E-POST post@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) viser til ovannemnde sak, datert 30. oktober 2018.

DMF er statens sentrale fagmyndighet ved forvaltning og utnytting av mineralske ressursar, og har eit særleg ansvar for at mineralressursar blir teke omsyn til i plansakar.

Om planen

Aukra kommune har sendt forslag til kommuneplanen sin samfunnsdel for 2018-2030 ut til høyring. Sentrale tema i samfunnsdelen er blant anna folkehelse, samfunnstryggleik, senterstruktur, velferd og omsorg, berekraftig økonomiforvaltning og klima og miljø.

Fråsegn frå DMF

DMF viser til vårt tidlegare fråsegn til start av planarbeidet frå 16.05.2017 der vi peikar på betydinga av lokalt uttak av mineralressursar som klimatiltak. Vidare kan vi vise til Harde fakta om mineralnæringen –mineralstatistikk 2017 som er tilgjengelig på våre nettsider¹. Særlig relevant i dette tilfellet er kapittel 10, Miljø og bærekraft, som blant anna gjer greie for tilhøvet mellom byggeråstoff og klimautslepp frå mineralnæringa som følge av transport av tunge massar.

Konkrete innspel til samfunnsdelen

Vi registrerer at Aukra kommune ynskjer å vere ein aktiv medspelar i miljø- og klimautfordringar. På eit generelt grunnlag anbefaler vi ut i frå eit klima- og miljøperspektiv at det blir lagt opp til kortast mogleg avstandar for transport av byggeråstoff. Det er òg av betyding å merke seg at kostnadane knytt til transport av byggeråstoff aukar i takt med avstand mellom uttak og der massar skal nyttast.

Utnytting av mineralske ressursar er òg eit grunnlag for verdiskaping og næringsutvikling i kommunen.

DMF fekk nyleg varsel om utviding av massetak Ny Jord i Aukra kommune på høyring. Pågående drift i massetaket sørger for god lokal tilgang til byggeråstoff, og utvidinga er

¹ <https://dirmin.no/aktuelt/harde-fakta-om-mineralnaeringen-mineralstatistikk-2017>



tenkt å redusere behovet for å opne nye massetak på øya Gossen. Vi anbefaler at samfunnssdelen inneholder ei utgreiing av estimert levetid for massetaket og kor det eventuelt kan etablerast nye massetak for å forsyne kommunen med byggeråstoff i framtida.

For nærmare informasjon om minerallova med tilhøyrande forskrifter, sjå heimesida vår på www.dirmin.no.

Med helsing

Dragana Beric Skjøstad
seksjonsleiar

Karoline Ulvund
rådgjevar

*Dokumentet er elektronisk signert og har difor ikkje handskrivne signaturar.
Sakshandsamar: Karoline Ulvund*

Mottakarar:

Aukra kommune Aukra ringen 25 6480 AUKRA

Kopi til:

Fylkesmannen i Møre og Romsdal Postboks 2520 6404 MOLDE

Viser til brev datert 30.10.2018.

NVE har ingen merknader til planframlegget.

Med helsing

Ole-Jakob Sande

Senioringeniør

Avdeling: Skred- og vassdragsavdelinga

Seksjon: Region vest

Norges vassdrags- og energidirektorat (NVE)

Telefon: 22 95 95 45/90 88 78 30

E-post: ojs@nve.no

Web: www.nve.no



NVE

Kommuneplan for Aukra, samfunnssdelen - 1. offentlege høyring
<https://www.aukra.kommune.no/kommuneplan-for-aukra-samfunnssdelen-1-offentlege-hoeyring.6162357-364949.html>

Ny kommentar:

Fra navn: Ole Rakvåg

Fra epost: olerak@online.no

Kommentar: Kommentar til kommuneplan:

- savner en samlet fokus på «næringsutvikling og verdiskaping», et område som bør være eget satsningsområde på linje med øvrige 8.

Arbeidsdyktig alder (20-66 år) kan komme til å øke med over 300 personer i planperioden, og de fleste av disse vil etterspørre en arbeidsplass i Aukra/molderegionen for å kunne bosette seg her.

Det er kun Molde som har større økning (i antall) i denne gruppa. 5 av 9 Romsdalskommuner har reduksjon !

I dette bildet er det også verdt å merke seg at det i dag er flere som pendler inn til Gossen enn ut fra Gossen (Jfr side 9).

Jeg savner også hvilken rolle Aukra næringsforum bør ha i utvikling og nyskaping av arbeidsplasser, et arbeid som må skje i et nært samspill mellom kommunen og næringslivet.

Vi arbeider med ny infrastruktur (herunder Kjerringsundet/møreaksen), noe som åpner for at vår næringsutvikling i stor grad kan ha et regionalt perspektiv. Vi er allerede en regional arbeidsplass (ormen/kommunen) noe som viser seg i pendlingstallene.

Ringvirkninger fra ormen bør ha enda sterkere fokus i våre ambisjoner/satsing i næringsutvikling i kommuneplanen. Dette er en regional satsing, enten arbeidsplassene vil komme på Gossen, Julsundet eller andre steder i Molderegionen.

Det som er bra for regionen er bra for Aukra og vise versa.

cpfattachment: image.jpg

cat: 364949

id: 6162357

Kommuneplan for Aukra, samfunnsdelen - 1. offentlege høyring
<http://www.aukra.kommune.no/kommuneplan-for-aukra-samfunnsdelen-1-offentlege-hoeyring.6162357-364949.html>

Ny kommentar:

Fra navn: Ole Rakvåg

Fra epost: olerak@online.no

Kommentar: Kommentar. 2 fra Ole Rakvåg:

Jeg foreslår at det lages en oppsummering i begynnelsen av planen:
med en «punktvis» sammenstilling over:

- slik vil vi ha det
 - slik gjør vi det
- for hvert satsingsområde 1-8 (9)

Dette vil gjøre planen mer brukervennlig og lettere å følge opp, mener jeg.

cat: 364949

id: 6162357



KYSTVERKET

Midt-Norge

Aukra kommune
Aukraringen 25
6480 AUKRA

Dykker ref.: Vår ref.: Arkiv nr.: Sakshandsamar: Dato:
2017/1670-6 Børre Tennfjord 13.11.2018

Uttale til offentleg høyring av Kommuneplanen sin samfunnsdel 2018-2025 - Aukra kommune - Møre og Romsdal fylke.

Kystverket har som statleg høyringsinstans motteke kommuneplan for Aukra kommune, samfunnsdelen til offentleg høyring. Kommunen har i samsvar med plan- og bygningslova sine §§ 11-2 og 11-14 vedteke å legge ut plandelen i seks veker.

Kommunen uttalar;

Kommuneplanen sin samfunnsdel er grunnlaget for den samla kommunale planlegginga. Omfanget av planlegginga er todelt: Kommunen som samfunn og kommunen som organisasjon. Gjennom arbeidet med samfunnsdelen skal kommunen legge vekt på viktige utfordringar knytt til samfunnsutviklinga. Vidare skal ein gjere synleg kva strategiske val kommunen gjer og kva mål og gjennomføringsstrategiar ein legg opp til. Planprosessen og vedtak av kommuneplanen sin samfunnsdel er kanskje det viktigaste politiske arbeidet kommunestyret gjennomfører i valperioden.

«Det gode liv» for innbyggjarane blir til innafor rammene i lover og forskrifter, men tilpassa den lokale røyndomen og dei vala lokaldemokratiet gjer gjennom prioriteringar i samfunnsdelen. Stat og fylkeskommune har kontroll- og forvaltingsoppgåver knytt til plan- og bygningslova. Retningslinjer, bygd på gjeldande lovverk, frå statleg og fylkeskommunalt hald gir ei oversikt over det samfunnsoppdraget som kommunane er forventa å gjennomføre, uansett storleik og ressursar.

Merknadsfrist er sett til 12.12.2018.

Kystverket sine kommentarar

Kystverket er ein nasjonal etat for kystforvalting og sjøverts samferdsle. Kystverket skal gjennom arbeidet sitt ta i vare nasjonale interesser og føringar og med dette arbeide for å sikre god framkome, trygg ferdsel og forsvarleg bruk og forvalting av farvatnet, samt sjå til at vi har ein effektiv og sikker sjøtransport og hamneverksemd.

Aukra kommune i Møre og Romsdal fylke, er samansett av øya Gossen med omkringliggjande småøyer og fastlandsområdet Hollingen aust for Julsundet. Kommunen grensar i vest til Sandøy, i nord og aust til Fræna og i sør til Molde og Midsund. Aukra kommune har ein samla storleik på 59 km² og har om lag 3200 innbyggjarar. Det meste av busetnaden i kommunen finn vi på øya Gossen. Øya er relativt flat medan området på fastlandet er langt meir kupert.

Region Kystverket Midt-Norge

Sentral postadresse:	Kystverket Postboks 1502 6025 ÅLESUND	Telefon:	+47 07847	Internett: E-post:	www.kystverket.no post@kystverket.no
----------------------	---	----------	-----------	-----------------------	--

For besøksadresse se www.kystverket.no Bankgiro: 7694 05 06766 Org.nr.: NO 874 783 242

Vi ber om at brev, sakskorrespondanse og e-post vert adressert til Kystverket, ikkje til avdeling eller enkeltperson

Industrien i Aukra er knytt til havet – skipsverft, offshoreindustri, fiskeoppdrett og fiskeforedling. Gassen fra Ormen Lange-feltet vert ført i land i Nyhamna, der gassen etter foredling vert vidaresend til England, gjennom den lengste undersjøiske gassleidningen i verda. Der er og noko innslag av jordbruk og fiske i kommunen.

Framlegget til Aukra kommune sin samfunnsdel gir oss ein god og lettfatteleg framstilling av prosess, utviklingstrekk, satsingsområde, mål og prioriteringar. Kommuneplanen sin samfunnsdel vert lagt fram i eit godt og lesande format, der det er eit gjennomgåande og tydelig fokus på kva som kan gjerast og korleis ein skal løyse gjeremåla for å nå definerte målsetningar. Man har identifisert 5 verdiområder med 8 tematiserte satsingsområde, som utgjer grunnlaget, føringar og føresetnader for konkretisering av handlingar og gjeremål. Vi ønskjer at kommunen samordnar planperioden og ikkje opererer med ulik periodeslutt. Utvalssaka vedkomande samfunnsdelen har ein tidshorisont til 2025, sjølvle plandokumentet har ein tidshorisont til 2030.

Det kjem tydeleg fram at kommunen er klar over og har identifisert dei utfordringane ein står overfor i dei komande åra. Det er formulert både visjonar og mål innafor dei ulike temaområda og tilrettelagt med handlingar og tiltak for å møte utfordringane. Vidare er det utvikla løysingsfokuserte tiltak på eit solid fundament av ønskte føringar. Man har ein tydeleg intensjon i kommunen om å lukkast med den samfunnstilpassinga som ein veit kjem. «Slik vil vi ha det» og «Slik gjer vi det» er omgrepene som går igjen i plandokumentet.

Samfunnsdelen viser også «vegen vidare» i plansamanheng. Bokstaveleg tala ein «mønsterverdig» framstilling der kommunen har kartlagt prosessen sine avgjerande faktorar. Desse er forutan sjølv framdriftsplanen, fokusert om politisk og administrativ forankring, medverknad/involvering, tematisk avgrensing og kommuneutvidinga saman med Orten og Lyngværet.

Utover dette har ein ikkje ytterlegare kommentarar til framlagt forslag til kommuneplanen sin samfunnsdel for Aukra kommune.

Med helsing

Harald Tronstad
regiondirektør

Børre Tennfjord
sjefingeniør

Dokumentet er elektronisk godkjent

Eksterne kopimottakarar:
Fylkesmannen i Møre og Romsdal Postboks 2520 6404 MOLDE
Møre og Romsdal fylkeskommune Postboks 2500 6404 MOLDE